

Ukusebenza ngokubambisana kuholele ekubanjweni kogwayi ongemthetho ongabisa izigidi

Tshwane, 27 kuNhlolanja 2023: Ithimba Lokuphoqelelwa Komthetho leHhovisi Elilawula Impahla Emngceleni loPhiko Lwemalingeniso Egoqwayo LwaseNingizimu Afrika lisebenzisana noMnyango wamaPhoyisa kanye noMbuthe wezokuVikela eNingizimu Afrika ngempelasonto yamhla zingama-25 kuya kumhla zingama-26 kuNhlolanja babambe iloli nomthwalo wogwayi ongemthetho, ngokobunhloli esibutholile.

Lokhu kuyingxenye yemizamo eqhubekayo yokuthuthukisa ukusebenza kahle kweHhovisi Elilawula Impahla Emngceleni ekulwisaneni nohwebo olungemthetho, ikakhulukazi kugwayi nakusikilidi. Lolu hlelo okubanjisenwe kulo lwenzeke ezindaweni nasemapulazini agudle imingcele yaseNingizimu Afrika. Lokhu kubanjwa okusemqoka okubandakanya ukushushunjiswa okweqa imingcele kume kanje:

- Kubanjwe amakesi amakhulu ayi-1185 ogwayi ongemthetho emikhiqizo enamagama i-Remington Gold, i-Chelsea kanye ne-Royal Express, abiza izigidi.
- Kuboshwe abantu abane kwavulwa namacala obugebengu bokushushumbisa ugwayi ongemthetho.
- Kuphinde kwaboshwa amaloli ama-4, iveni elilodwa kanye nogandaganda owodwa odonsa inkonyane, okwakusetshenziselwa ukuthwala ugwayi ongemthetho wenani elilinganiselwa kuzigidi.

Umpfumela walo msebenzi okhethekile uqinisekisa ukuthi selokhu uSARS wenza lo msebenzi wokuphenya ubugebengu embonini kagwayi nosikilidi eminyakeni emithathu eyedlule, sekube noshintsho ekunyukeni kwesibalo sokushushumbisa okwenzeka kweqe imingcele. Kulokhu, kuzokhulunywana nabakhiqizi bakuleli ababandakanyeka namagama ogwayi njengophenyo oluqhubekayo njengoba kwaziwa ukuthi labo gwayi baqhamuka ngaphandle kwaseNingizimu Afrika.

Phezu kwalokho, kufakazela ukuphetha ngokuthi ngokuvamile, ma kubhekwa ukhondo, bangaphezulu kwama-500 abantu abeqa umngcele noma ingaluphi usuku, umuntu nomuntu eshushumbisa okungenani amakesi amakhulu amabili kagwayi ongemthetho. Lo gwayi ube usulayshwa emalolini, amanye abanikazi bawo bangabaseNingizimu Afrika, kanye nasezimotweni ezincane ezibe sezisebenzisa eminye imizila egudle umngcele ngokusebenzisana nabaninimapulazi bakuleli ukuze bakwazi ukufika lapho belibangise khona abazobe sebewusabalalisa kumakethe yakuleli.

USARS uzoqhubeka nokuthuthukisa amandla Okuphoqelelwa komthetho eHhovisi Elilawula Impahla Emngceleni nokwazi ukubhekana nohwebo olungemthetho

ngokubambisana namanye ama-ejensi okuphoqelelwa komthetho okuhloswe ngakho ukuthuthukisa ukusebenza kwentela neHhovisi Elilawula Impahla Emngceleni nokuvikela ukubusa kweRiphabhulikhi yaseNingizimu Afrika, ngokwenza kube nzima futhi kumbe eqolo kubahwebi nakubakhokhintela abenza ubugebengu futhi abanenhloso yokungathobeli imigomo yentela.

UKhomishana wakwaSARS uMnu. Edward Kieswetter uncome imizamo yokusebenzisana kwama-ejensi okuphoqelelwa komthetho okuyiwo abehola lo msebenzi obe yimpumelelo. Uzwakalise ukukhathazeka ngezinsolo zokubandakanyeka kwamaqembu obugebengu obuhleliwe kulo msebenzi, emiphakathini enamapulazi eseduze nemingcele, kubandakanya nalabo abasebenzisa izimpahla nezimoto zabo besebenzisana nalawa maqembu ezigebengu

“Sizosebenzisa lonke ulwazi oluqoqwe ama-ejensi aphoqelega umthetho ukulandelela, nokushushisa lapho kunesidingo, labo ababandakanyeka kulobu bugebengu obuhleliwe. Labo ababandakanyekayo, kungakhathaleki ukuthi bangababuphi ubuzwe, bazobhekana nengalo yomthetho. Sizozhubeka senze umsebenzi wokuphoqelega umthetho ngaphandle kokwesaba, ukwenzelela noma ukubandlulula ukuvikela izimboni zakuleli nokukhuthaza intuthuko kwezomnotho,” kusho uMnu. Kieswetter.

Ngolwazi olwengeziwe, sicela uxhumane ne Sarsmedia@sars.gov.za